

EAJ bakartzeko estrategian ez datorrela bat erantzun dio PSE-EEK Aznarri

Estatu itun baten aldeko izan arren, dinamika frontisten kontra agertu zen Egiguren

Agentziak / Gasteiz

EAJ bakartzeko asmorik ez duela adierazi zion atzo PSE-EEK PPri, Jose Maria Aznarrek eginiko hitzak entzun ondoren. Abertzaleek eginiko akats bera egiteko arriskua ikusten du PSE-EEK hori eginez gero. Ildo horretan, hitz egiten jarraitu behar dela azaldu zuten, baita EAJrekin ere, «aldatu nahi badute» horretan lagundu behar zaiela uste baitute; oztoporik ez zaiela jarri behar diote sozialistek.

ELKARRIZKETA eta elkar-ulertzearen bidea lantzearen alde agertu zen atzo Jesus Egiguren PSE-EEKo Harreman Politikoa eta Instituzionalerako idazkaria, Aznarri erantzunez. Euskal politikan norabide aldaketa behar dela esan zuen Aznarrek, eta aldaketa hori egiteko bere alderdiaren eta PSOEn laguntza izatea espero zuela, EAJren konfiantzarik ez duelako.

PSE-EE Estatu itun baten aldeko dela adierazi zuen atzo Egigurenek, «baina adostasunak eta itunak ez du esan nahi Aznarrek prentsaurreko batean gonbita egitea sozialistei edozein mota-tako politika bati babes eman diezaiogun». Ildo horretan, EAJ bakartzeko estrategiarekin ez datorrela bat erantzun zion Aznarri. Hori egitea abertzaleek eginiko akats bera egitea litzateke Egigurenen ustez, alegia «Euskal Herriko gatazka konpontzeko gainerako indar politikoak baztertu eta bakarrik jotzea».



PAULINO ORIBE / EFE

Juan Jose Ibarretxe, PSE-EEKo Jesus Egiguren, Rodolfo Ares eta Manuel Huertasekin, legebiltzarrean.

PSE-EEK dinamika frontistak alde batera utzi eta elkarlanaren alde egingo duela azaldu zuen. Berdintsu mintzatu zen Ramon Jauregi ere herenegun gauean, eta PPK EAJ aldatzea baino dagoen tokian geratzea nahiago duela eman zuen aditzera. EAJri, aldatzeko, lagundu egin behar zaiola esan zuen, eta ildo horretan, haiekin hitz egin behar dela nabarmendu zuen.

EAJ eta PSOEn artean harremanak badirela onartu zuen Jauregik, eta gehiago ere izango direla esan. Biler horiek interesgarria den elkar-ulertzea ekar dezaketela ere esan zuen. Aurrera begira, HB ez beste alderdiak biltzen dituen foro baten alde agertu zen PSOeko buruzagia.

PSE: «Zuzenketak aztertuko ditugu akordioa lortzeko asmoarekin»

JESUS EGIGUREN PSE-EEKo legebiltzarkideak atzo azaldu zuenez, PSE-EEK egin proposamenari aurkeztu zaizkion zuzenketek erakusten dute ekimena «beharrezkoa dela eta une onean datorrela». Haren irudiko, «indar politikoen artean elkarriketatzeko eta elkar ulertzeko beharra» dagoela adierazten du horrenbeste zuzenketa aurkeztu izanak.

Alderdi politikoek jarri dituzten zuzenketa horiek hobeto aztertuko dituztela

iragarri zuen Egigurenek. «Astebeteko epea dugu gainerako indar politikoe-kin adostasunetara heltzeko eta gure legez beste-ko proposamena aurrera ateratzeko», azaldu zuen. Zuzenketen kontrako iritzirik ez dutela jakinarazi zuen eta datorren astean zuzenketekin «lan egingo» dutela azaldu zuen.

Bestalde, gaineratu zuen PSE-EEren proposamena «erabakigarria» dela jakiteko EAJ eta EA ekimenarekin ados dauden ala ez.

Arzalluz tiro egiten dutenen aldean dago, Iturgaitzek dioenez

Agentziak / Gasteiz

CARLOS ITURGAIK EAEko PPko buruzagiak Arzalluz bezperan eginiko adierazpenei erantzun zien atzo. Jose Maria Aznarren adierazpena «gerra adierazpena» izan zela esan zuen Arzalluzek. Iturgaitzek esan zuenez, gerrari buruz hitz egitean bi bando daude. «Alde batek hildakoak bakarrik jartzen ditu, tirorik bota gabe eta ideiak hitzen bitartez defendituz. Beste aldean dago Arzalluz, tiro egiten dutenekin, eta hori justifikatzen dutenekin».

«Jeltzaleek, biolentzia justifikatzen dutenekin zenbait instituziotan dituzten akordioak apurtzen ez dituzten bitartean, eta Lizarra apurtzen ez duten bitartean, Arzalluzi une oro orotaraziko diogu borraroei babes politikoa ematen ari direla», esan zuen Iturgaitzek.

Bestetik, Aznarrek eginiko hitzaldia zuzena izan zela esan zuen, eta argi hitz egiten zuela.

Gobernuaren erantzuna

Gobernuak Arzalluzen hitzei ez ezik, Ibarretxerenei ere erantzun zien atzo. Arzalluzek gerra adierazpenez hitz egitea «zentzugabekeria» dela azaldu zuen Pio Cabanillas bozeramaileak. Jaime Mayor Oreja Barne ministroarentzat, berriz, Arzalluzek esandakoa «astakeria» izan zen.

Ibarretxek, berriz, gauza kontraesankorrak esan zituela adierazi zuen Cabanillasek.

ONDAREAREN GAINEKO ZERGA

GOGORA EZAZU: zure ondare garbiak 25.000.000 pezetatik gorako balorazioa baldin badu, **Ondarearen gaineko Zergako** aitortpena aurkeztu behar duzu.

1.999

NOLA EGIN AITORTPENA

- ▶ Horretarako onartutako inprimakiak erabiliz. Arabako Foru Ogasunaren bulegoetan eta tabakodendetan salgai daude.
- ▶ Laguntza-programa informatikoaren bidez. Interneten (www.alava.net) eskura daiteke, edo gure bulegoetan eros daiteke haren CDa (200 pta.)

NON AURKEZTU

- ▶ Zure aitortpenaren emaitza positiboa bada, entitate laguntzailezt hartzen diren aurrezki kutxa edo banketxeetan aurkeztu beharko duzu.
- ▶ Aitortpena negatiboa ateratzekotan, Foru Ogasunaren bulegoetan edo aipatutako entitate laguntzaileetan.

EPEA

Aurkezteko epea ekainaren 26an amaitzen da.

Zerga argibideetarako telefonoa: 945 181 555